



šumarak  
mala šuma u našem naselju!



# šumarak

mala šuma u našem naselju



Finansira  
Evropska unija

#ReLOaD



n8das

Udruženje za razvoj i afirmaciju društva u Bosni i Hercegovini  
Association for Development and Affirmation of Society in Bosnia and Herzegovina






# Šta je šumarak?

Šumarak je naš komad parka koji smo zajedno osmislili i podigli! Obogatili smo naše naselje novim stablima, birajući ona koja vole i šumu i grad.




Trg heroja, Hrasno



# Srednja škola za okoliš i drvni dizajn

Ko je sve  
mi?



Ovo je prva „Urbana šumica“ u BiH, podignuta u sklopu projekta „Urbane šume - znanje i učešće svih“ koji je dizajnirao i implementirao **NODAS**. **Udruženje za razvoj i afirmaciju društva u Bosni i Hercegovini**. Osmišljena je i izgrađena uz aktivno učešće stanovnika/stanovnica **MZ Trg heroja** i drugih MZ u susjedstvu, kao i učenica i učenika **Srednje škole za okoliš idrvni dizajn i OŠ Hrasno**. Aktivnosti su implementirane uz podršku i nadzor **Općine Novo Sarajevo** te stručnog tima NODAS-a.

„Urbane šume - znanje i učešće svih“ je projekat podržan u sklopu Regionalnog programa lokalne demokratije na Zapadnom Balkanu 2 - **ReLOaD2**, koji finansira Evropska unija (EU), a implementira **Razvojni program Ujedinjenih nacija (UNDP)** u BiH, uz podršku Općine Novo Sarajevo. „Šumarak“ je rezultat zajedničkog učenja, razgovora, druženja i rada svih uključenih u projekat.

Razvojni program Ujedinjenih nacija u BiH, uz podršku globalne mreže UNDP-a, pomaže Bosni i Hercegovini da privuče i koristi međunarodnu pomoć od 1996. godine. Naši glavni ciljevi su rekonstrukcija zemlje nakon sukoba, podrška i izgradnja domaćih kapaciteta u ključnim sektorima, unaprijeđenje ljudskog razvoja i pružanje podrške da se fokus planiranja razvoja pomjeri sa poslijeratnog oporavka na dugoročni strateški razvoj.

Rad državnog tima UN-a (UNCT) u BiH, a samim tim i rad UNDP-a, vođen je Okvirom saradnje Ujedinjenih nacija za održivi razvoj (UNSDCF) za Bosnu i Hercegovinu 2021-2025, koji je potpisani s Vijećem ministara Bosne i Hercegovine u maju 2021. godine. Predstavlja zajedničku opredjeljenost za rad u bliskom partnerstvu za rezultate definisane ovim Okvirom saradnje koji će pomoći svim ljudima u BiH da žive duže, zdravije i prosperitetnije i sigurnije.



Finansira  
Evropska unija



Projekat finansira  
Evropska unija



# ReLOaD

Regionalni program lokalne demokratije na Zapadnom Balkanu



Regionalni program lokalne demokratije na Zapadnom Balkanu 2 (ReLOaD2) nastavak je inicijativa podržanih od strane EU – Projekat jačanja lokalne demokratije (LOD, 2009-2016) i naknadno proširenog Regionalnog programa lokalne demokratije na Zapadnom Balkanu (ReLOaD, 2017-2020).

Sveukupni cilj projekta je jačanje participativne demokratije i EU integracija na Zapadnom Balkanu, putem osnaživanja civilnog društva i podsticanja mladih na aktivno sudjelovanje u procesu donošenju odluka, te unapređenja poticajnog pravnog i finansijskog okruženja za civilno društvo.

Specifični cilj projekta je jačanje partnerstava između lokalnih vlasti i civilnog društva na području Zapadnog Balkana, širenjem uspješnog modela transparentnog projektnog finansiranja OCD (LOD metodologija) iz budžeta jedinica lokalne samouprave, usmjerenog ka većem građanskom učeštu i učeštu mladih u procesima donošenja odluka i unapređenju pružanja usluga u lokalnim zajednicama.

Općina Novo Sarajevo učestvuje u ReLOaD2 aktivnostima za mlade. Jedna od spomenutih aktivnosti je Dijalog za mlade, konsultativni mehanizam za uključivanje mladih u život zajednice, putem kojeg mladi ljudi imaju mogućnost da identifikuju potrebe, probleme i neiskorištene potencijale, te istovremeno ponude inicijative ili rješenja za unapređenje kvalitete vlastitog života i života lokalne zajednice. Ovakav način angažmana mladih direktno utiče na povećanje njihovog učešća u procesima donošenja odluka na lokalnom nivou, osnažuje ih i osigurava da se u punom kapacitetu iskoristi njihov potencijal. Uz to podržati će se i određeni broj omladinskih projekata, te realizovati angažman UN volontera. Ovo je odlična prilika za mlade entuzijaste da se uključe u rad lokalne institucije, ali i pruže podršku u jačanju odnosa sa organizacijama civilnog društva, građanskim/omladinskim udruženjima, kao i ReLOaD2 projektu u realizaciji aktivnosti na nivou područja u kojem žive.



Općina Novo Sarajevo



Udruženje za razvoj i afirmaciju društva u Bosni i Hercegovini  
Association for Development and Affirmation of Society in Bosnia and Herzegovina

NODAS je lokalna, nevladina, neprofitna organizacija sa sjedištem u Sarajevu, registrovana u martu 2008. godine pri Ministarstvu pravde Bosne i Hercegovine.

NODAS je osnovan kako bi podržao održivi razvoj regiona putem razvoja i izgradnje kapaciteta.

Glavni cilj NODAS-a jeste podrška razvoju i afirmacija društva u Bosni i Hercegovini. Prepoznavši nezaposlenost kao ključno pitanje u zemlji, NODAS je trenutno aktivno uključen u povezivanje malih poduzetnika sa tržištem, međusobno povezivanje poduzetnika, te promociju i motivaciju putem primjera uspješnih poslovnih priča, kako bi ohrabrio građane BiH da se aktivno uključe u ekonomski život društva. Takođe, uvidjevši potencijal turizma u razvoju lokalnih zajednica, NODAS se uključio u razvoj turizma ali i zaštitu i unapređenje kulturno-historijskih spomenika.

Srednja škola za okoliš i drvni dizajn jedna je od najstarijih škola u Kantonu Sarajevo. Ona objedinjuje dvije struke: šumarsku i drvoprerađivačku. Njen nastanak vezan je za period austro-ugarske uprave u Bosni i Hercegovini, kada je 1889. godine u Sarajevu osnovana Srednja tehnička škola sa dva odsjeka: šumarski i građevinski. Do 1995. godine u Sarajevu djeluju Šumarski školski centar Ilidža i Drvna tehnička škola u ulici Omladinsko šetalište (stari naziv) - naselje Pofalići, Općina Novo Sarajevo. Oba objekta su razrušena tokom agresije na Bosnu i Hercegovinu od kojih je samo obnovljen objekt u Novom Sarajevu 1999. godine zahvaljujući donatorima iz Njemačke, OTA Berlin. Odlukom Vlade Kantona Sarajevo ove dvije škole se ujedinjuju u školu pod nazivom Mješovita srednja drvna-šumarska škola Sarajevo u ulici Wilsonovo šetalište (novi naziv). Odlukom Vlade Kantona Sarajevo 2009. godine Mješovita srednja drvna-šumarska škola Sarajevo preimenovana je u Srednju školu za okoliš i drvni dizajn.





Osnovna škola "Hrasno" je sagrađena 1959. godine. Sadašnji izgled je dobila 1976. god. kada je sagrađen dio škole, aneks.

U svom dosadašnjem radu se isticala odgojno-obrazovnim radom, nagradama i ostalim ostvarenjima u vannastavnim aktivnostima. Ono po čemu je prepoznatljiva kroz cijeli tok postojanja jeste izuzetno veliki broj djece.

U proteklom ratu je pretrpjela oštećenja koja i do danas nisu sanirana, a onemogućavaju razvoj i vizuju Škole, kao moderne ustanove koja nudi cjeloviti razvoj ličnosti. Škola je poznata i po kontinuiranom odgojno-obrazovnom radu za vrijeme rata, kada je nastava bila organizovana po podrumima zgrada i drugim punktovima.

Krasi je stručno i iskusno osoblje koje je sudionik različitim predratnim, ratnim i poratnim fazama života i rada.

MZ Trg heroja, Hrasno, jedna je od lokalnih jedinica koje sačinjavaju Općinu Novo Sarajevo. Obuhvata ulice Trg heroja, Porodice Ribar, Džamijska, Aleja lipa, Topal Osman Paše, Zvornička i Azize Šaćirbegović. Savjet mjesne zajednice i građani učestvuju u mnogobrojnim projektima s ciljem poboljšavanja kvalitete života u njihovoj zajednici.

# Kako smo napr.

Animirajući lokalne stanovnike i učenike Srednje škole za okoliš i drveni dizajn te OŠ „Hrasno“ na učešće u edukacijama i radionicama o participativnom i inkluzivnom pristupu, urbanoj ekologiji, te dijelom i učešću u samim radovima na podizanju oglednog/edukativnog parka, kreiralo se jezgro sada edukovanih i animiranih pojedinaca za daljnje akcije.

Lokalna zajednica projektom je dobila i jedinstvenu zelenu površinu koju će odgovornije čuvati i dijelom i održavati te time davati primjer i drugima a snažna uključenost lokalnog stanovništva u ovom procesu dala je primjer produktivne saradnje sa lokalnom zajednicom.




# Šta vili Šumarak?

Pored navedenog važan je i ekološki efekat na mikrolokaciji te stvaranje uslova za kvalitetniji i češći boravak na otvorenom prostoru, sa svim fizičkim i mentalnim benefitima koje to donosi.

Projektom su ostvarena željena dva cilja:


1. Podržan razvoj urbanih zelenih površina uz direktno građansko učešće u Novom Sarajevu.
2. Pružena pomoć osnovnim i srednjim školama u nastavi i podizanju znanja i interesa za ekološki i građanski angažman u zajednici.






14












18



Šta za nas  
radi šumarak?



# Šta je postojalo u šumarku?

Topola  
*Populus*




Crni bor  
*Pinus nigra*



Jela  
*Abies alba*




Jasen  
*Fraxinus*



Orah  
*Juglans regia*



Smrča  
*Picea abies*



Dud  
*Morus*



Javor  
*Aceraceae*



Breza  
*Betula pendula*




Kesten  
*Aesculus hippocastanum*



Katalpa  
*Catalpa bignonioides*




Lipa  
*Tilia*



Tuja  
*Thuja occidentalis*



Trešnja  
*Prunus avium*



Bijeli bor  
*Pinus sylvestris*



Jarebika  
*Sorbus aucuparia*



Tulipanovac  
*Liriodendron tulipifera*



Bukva  
*Fagus sylvatica*



# Šta smo zasadili?



Ariš  
*Larix decidua*



Vajmutov bor  
*Pinus strobus*



Pančićeva omorika  
*Picea omorika*



Božikovina  
*Ilex aquifolium*



Duglazija  
*Pseudotsuga menziesii*



Tulipanovac  
*Liriodendron tulipifera*



Crvena lijeska  
*Corylus maxima "Purpurea"*



Planinski bor  
*Pinus mugo*



Vatreni trn  
*Pyracantha coccinea*



Munika  
*Pinus heldreichii*



Srebrna omorika  
*Picea pungens*



Atlaski cedar  
*Cedrus atlantica*

# Žašto šumarak?


Gradsko zelenilo izuzetno je važno za život gradova. Urbane zelene površine direktno umanjuju negativne efekte antropogenog djelovanja u vidu raznih oblika zagađenja i urbanih oboljenja.






Sadržajne i lahko dostupne  
zelene površine umanjuju  
efekte socijalnih razlika,  
podstiču inkluzivnost i kroz  
socijalizaciju oblikuju kulturu  
grada.


U Kantonu Sarajevo u užem urbanom području zelene površine pokrivaju manje od 2% ukupne površine. Prema dostupnom podatku iz 2015. godine, u Kantonu Sarajevo po stanovniku imamo dostupno  $9\text{m}^2$  zelenih površina.





**Građanski aktivizam i razvoj zelenih politika izuzetno su važni za unapređenje kvaliteta života u našem gradu, što je moguće postići kroz lokalne incijative, organizacije stručnjaka, lokalne i međunarodne saradnje, a posebno direktnu participaciju građana. Agitiranjem, učešćem u osmišljavanju i podizanju javnih zelenih površina, uljepšavanjem i svakodnevnim korištenjem javni prostor činimo našim i zajedničkim.**

Kako do nove  
urbane šumice?



Iskustvo je pokazalo da ne postoji samo jedan, jasno definisan put - hodogram koji će vas voditi ka pozitivnom ishodu. Ali, u problemu uvijek leži rješenje! Prepričat ćemo vam naš put - od ideje do realizacije projekta.

Aktivna praksa opštinskih službi u Novom Sarajevu - nadležnost upravljanja javnim zelenim površinama u Opštini Novo Sarajevo direktno pokriva *Služba za komunalne i stambene poslove i saobraćaj*. Usljed složenosti i obima posla aktivnosti se realizuju interresorno u okviru rada i drugih službi srodnog karaktera (*Služba za investicije i zaštitu okoliša; Služba za oblast prostornog uređenja i urbanizma; Služba za upravljanje lokalnim razvojem*).

Put do novih javnih zelenih površina kreće inicijativom građana\_ki (pojedinci\_ke, neformalne grupe, nevladine organizacije ili sl.) koje se upućuju putem iskazanog Zahtjeva za novim sadnicama, parkovima, i svim drugim intervencijama prema opštinskoj službi i to na dva načina:

1. Direktno podnošenje Zahtjeva za novim drvećem, zelenom površinom i svim drugim intervencijama Službi za komunalne i stambene poslove i saobraćaj na protokol Opštine, ili
2. Podnošenje Zahtjeva nadležnom uredu mjesne zajednice - predsjedniku MZ, koji putem redovne komunikacije s opštinskim organima predaje Zahtjev u dalju proceduru u ime građana\_ki.

- 1 U oba slučaja, dakle, procedura otpočinje formalnim Zahtjevom (opis i obrazloženje traženog).
- 2 Zatim, obično osoba u svojstvu stručnog savjetnika za javne površine vrši ocjenu opravdanosti zahtjeva.
- 3 Tom prilikom formira se predmet i zapisnički konstataže činjenično stanje na terenu.
- 4 Potom, ukoliko je Zahtjev opravdan ili neophodan isti ulazi u „Program za uređenje javnih zelenih površina u opštini Novo Sarajevo“ Službe za komunalne i stambene poslove i saobraćaj - zvanični dokument Službe, koji shodno dostupnim sredstvima bude realizovan tokom tekuće budžetske godine.
- 5 Naknadno, cjelokupni posao oko pripreme, sadnje i sl. obavljaju službenici Javnog kantonalnog preduzeća „Park“ s kojim Opština ima potpisani Godišnji sporazum o održavanju javnih zelenih površina u opštini Novo Sarajevo.

Ova publikacija izrađena je u okviru projekta "Regionalni program lokalne demokratije na Zapadnom Balkanu 2 – ReLOaD2", koji finansira Evropska unija (EU), a implementira Razvojni program Ujedinjenih nacija (UNDP) u BiH. Sadržaj ove publikacije, kao i nalazi prikazani u njoj, isključiva su odgovornost NODAS-a i ni na koji način ne odražava stavove Evropske unije (EU), niti Razvojnog programa Ujedinjenih nacija (UNDP).



# šumarak

## mala šuma u našem naselju!



Udruženje za razvoj i afirmaciju društva u Bosni i Hercegovini  
Association for Development and Affirmation of Society in Bosnia and Herzegovina

Kolodvorska 10, 71 000 Sarajevo  
+387 33 618 323  
[nodas@nodas.ba](mailto:nodas@nodas.ba)  
<https://nodas.ba/>  
<https://www.facebook.com/nodas.ba/>  
[https://www.instagram.com/shumarak\\_sarajevo/](https://www.instagram.com/shumarak_sarajevo/)

Sarajevo  
2022/2023.